

25.06.2015.

EU info centar objavljuje

„Moje putovanje Evropom“

Nagradno takmičenje za sve mlade turiste

Pravo učešća u nagradnom takmičenju imaju mladi iz BiH koji do 30. septembra 2015. godine na email adresu info@EUIC.ba pošalju fotografije i kratku putopisnu reportažu o svom putovanju zemljama Evropske unije.

Pokušaj odgovoriti na pitanja:

Koje si zemlje Evropske unije posjetio/la?

Koji je bio najzanimljiviji dio tvog putovanja u zemlje Evropske unije?

Šta si naučio/la tokom tog putovanja?

Da li si se sprijateljio/la s nekim tokom putovanja?

Opiši najzanimljivije detalje sa svog putovanja Evropom i osvoji nagradu po svom izboru.

PRAVILNIK ZA PRIJAVU I UČEŠĆE U NAGRADNOM TAKMIČENJU „MOJE PUTOVANJE EVROPOM“

1. U takmičenju „Moje putovanje Evropom“ pravo učešća imaju svi građani Bosne i Hercegovine starosti od 16 do 27 godina (rođeni u periodu od 1.7.1988. do 30.6.1999. godine)
2. Učesnik takmičenja treba da do 30. septembra 2015. godine pošalje kratku putopisnu reportažu i fotografije sa putovanja koji opisuju najinteresatnije aspekte njegovog/njenog putovanja u zemlju/zemlje Evropske unije, promovišući vrijednosti Evropske unije i prednosti putovanja i upoznavanja različitih kultura i ljudi. U obzir će se uzeti samo radovi koji opisuju putovanje koje se dogodilo u periodu od 2012. do 2015. godine.
3. Reportaže sa putovanja trebaju biti originalni radovi, napisani na jednom od zvaničnih bh. jezika, dužine od 300 do 1000 riječi i poslani u MS Word-u ili sličnoj aplikaciji;
4. Uz reportažu potrebno je priložiti 5 do 10 kvalitetnih fotografija napravljenih tokom putovanja opisanog u reportaži. Fotografije trebaju biti minimalne rezolucije 800x600 pxl;
5. Samo radovi koji ranije nisu objavljeni i koji nisu učestvovali u prethodnim takmičenjima u organizaciji EU info centra mogu biti prijavljeni u ovom takmičenju;
6. Nakon 30. septembra EUIC/EUD komisija će izabrati 12 finalista. Kriterij odabira će biti stil pisanja, te kreativnost i zanimljivost teksta. Reportaže i fotografije finalista će biti objavljeni putem facebook stranice i web stranice EU info centra. Javno bodovanje će se organizovati u oktobru 2015. godine kada će se glasovima svih građana koji žele glasovati izabrati najbolji radovi. Finalisti koji se budu koristili bilo kojim oblikom manipulacije u procesu glasanja će biti diskvalifikovani;

7. Nagrade će biti dodijeljene za tri rada koja osvoje najveći broj glasova. Autori prvoplasiranih radova će imati priliku da izaberu svoje nagrade među sljedećim artiklima: Laptop, smart telefon, tablet, televizor ili digitalni fotoaparati, sve u vrijednosti većoj od 500 KM. Nakon završetka procesa glasanja EU info centar će pobjednicima ponuditi na izbor konkretne artikle;
8. Jedan učesnik takmičenja može prijaviti samo jedan rad;
9. Prijavu sa tekstom i fotografijama potrebno je poslati putem elektronske pošte na email adresu info@euic.ba, sa navedenim naslovom „Moje putovanje Evropom – *Ime i Prezime učesnika/učesnice*“ najkasnije do 30. septembra 2015. godine. Radovi primljeni nakon navedenog datuma neće se uzimati u obzir;
10. Prijave moraju sadržavati ime i prezime autora rada, datum rođenja, adresu i kontakt telefon;
11. Sve prijave automatski postaju vlasništvo EU info centra; Prijavom na takmičenje učesnici garantuju:
 - a. da su prijavljeni tekst i fotografije njihovo originalno djelo (prihvata se opcija da su saputnici ili drugi osobe na opisanom putovanju napravile fotografije);
 - b. da su svi lični podaci tačni;
 - c. da učesnik takmičenja prihvata sva pravila navedena ovdje.

Zahtjevi za dodatnim informacijama u vezi sa takmičenjem mogu se poslati na e-mail adresu info@euic.ba, sa navedenim predmetom poruke „Moje putovanje Evropom“.

-Kraj-